

ქალაქ ფოთის მუნიციპალიტეტის საკრებულოს წევრის საქმიანობის ანგარიშის ფორმა

1. ქალაქ ფოთის მუნიციპალიტეტი
2. საკრებულოს წევრის სახელი, გვარი: ბექა ვაჟარაძე
3. საკრებულოში დაკავებული თანამდებობა: 01.11.2019 – 29.04.2020 წლამდე საკრებულოს სივრცით ტერიტორიული დაგეგმარებისა და ინფრასტრუქტურის კომისიის თავმჯდომარე; 29.04.2020 - დღემდე საკრებულოს თავმჯდომარე
4. ფრაქციის წევრობა: ფრაქცია “ქართული ოცნება”
5. კომისიის (კომისიების) წევრობა: სივრცით ტერიტორიული დაგეგმარებისა და ინფრასტრუქტურის კომისიის წევრი, საფინანსო-საბიუჯეტო კომისიის წევრი
6. არჩევის წესი (მაჟორიტარის შემთხვევაში, მაჟორიტარული ოლქის მითითებით): მაჟორიტარული 26.70.06
7. საანგარიშო პერიოდი: 2019 წლის 01.11- დან, 2020 წლის 31.10 -ის ჩათვლით.

განხორციელებული საქმიანობები:

1.საკრებულოს სხდომების რაოდენობა, რომლებშიც მონაწილეობდა ანგარიშის წარმდგენი: 24

2.საკრებულოს ამ სხდომებზე განხილული საკითხების რაოდენობა: 108

3.საკრებულოს კომისიების სხდომების რაოდენობა, რომელშიც მონაწილეობდა ანგარიშის წარმდგენი: საფინანსო-საბიუჯეტო კომისია - 17 სხდომა; სივრცით ტერიტორიული დაგეგმარებისა და ინფრასტრუქტურის კომისია - 14 სხდომა

4.საკრებულოს ამ კომისიების ამ სხდომებზე განხილული საკითხების რაოდენობა:

საფინანსო-საბიუჯეტო კომისია - 42 საკითხი;
სივრცით ტერიტორიული დაგეგმარებისა და ინფრასტრუქტურის კომისია - 25 საკითხი

5.საკრებულოში ინიციირებული საკითხების დასახელება:

6.მოქალაქეებთან შეხვედრების რაოდენობა: ყოველდღიური შეხვედრა მოსახლეობასთან

7.მოქალაქეებთან შეხვედრისას გამოვეთილი მირითადი საკითხები:

სოციალური და ინფრასტრუქტურული პროექტები, გზების რეაბილიტაცია, სამუშაო ადგილების შექმნა, წყალარინების პროექტის დასრულება, სპორტული მოედნების მოწყობა, ეზოების კეთილმოწყობა.

8. სხვა განხორციელებული საქმიანობები:

ქალაქ ფოთის მუნიციპალიტეტის საკრებულოს საქმიანობის ძირითადი პრინციპებია: კანონიერება, საჯაროობა, კოლეგიურობა, დამოუკიდებელი პასუხისმგებლობა, წარმომადგენლობითი პროპორციულობის დაცვა, მუნიციპალიტეტის მოსახლეობის აზრის გათვალისწინება, ადგილობრივი თვითმმართველობის განხორციელებაში მოქალაქეთა ჩართვის უზრუნველყოფა, ანგარიშვალდებულება მოსახლეობის წინაშე.

საკრებულო თავის უფლებამოსილებებს ახორციელებს მუნიციპალიტეტის საკადრო პოლიტიკის განსაზღვრის, აღმასრულებელი ორგანოების საქმიანობის რეგულირებისა და კონტროლის, თვითმმართველი ერთეულის განვითარების დაგეგმვის, საფინანსო-საბიუჯეტო, მუნიციპალიტეტის ქონების განკარგვისა და მართვის, სოციალურ, კეთილმოწყობისა და საყოფაცხოვრებო-კომუნალურ, მიწათსარგებლობისა და ბუნებრივი რესურსებით სარგებლობის, მუნიციპალიტეტის ტერიტორიის დაგეგმვის, ტრანსპორტით და საგზაო მეურნეობის, აღრიცხვის, ინოვაციური განვითარების მხარდაჭერის სფეროში.

მუნიციპალიტეტის საკადრო პოლიტიკის განსაზღვრის, აღმასრულებელი ორგანოების საქმიანობის რეგულირებისა და კონტროლის სფეროში საკრებულოს უფლებამოსილებას განეკუთვნება და უმნიშვნელოვანესია ადგილობრივი თვითმმართველობის აღმასრულებელი ორგანოების და თანამდებობის პირების საქმიანობის კონტროლი, მათი ანგარიშების მოსმენა და შეფასება.

ზემოაღნიშნულიდან გამომდინარე, საკრებულოს სხდომაზე მოსმენილ იქნა და შესაბამისად შეფასებულ იქნა ა(ა) იპ „ქალაქ ფოთის მუნიციპალიტეტის სერვისების ცენტრის“, ქალაქ ფოთის მუნიციპალიტეტის 2019 წლის ბიუჯეტზე ქალაქ ფოთის მუნიციპალიტეტის მერის, ინფრასტრუქტურული პროექტების მართვისა და ტრანსპორტის სამსახურის, არქიტექტურის, სივრცითი მოწყობის და ადმინისტრაციული ზედამხედველობის სამსახურის, ა(ა) იპ „ქალაქ ფოთის მუნიციპალიტეტის სოციალური მომსახურების ცენტრის, ა(ა) იპ თვითმმართველი ქალაქ ფოთის სკოლამდელი სააღმზრდელო გაერთიანების ანგარიშები გაწეული მუშაობის შესახებ.“

ცვლილებები იქნა შეტანილი ქალაქ ფოთის მუნიციპალიტეტის მერიისა და საკრებულოს თანამდებობის პირთა და სხვა მოსამსახურეთა საშტატო ნუსხაში.

შეიცვალა და არჩეულ იქნა კომისიის ახალი თავმჯდომარეები, სივრცით-ტერიტორიული დაგეგმარების და ინფრასტრუქტურის და ქონების მართვისა და ბუნებრივი რესურსების საკითხების კომისიებში. ჩამოყალიბდა ახალი ფრაქცია „ქართული ფესვები“ შეიცვალა აგრეთვე და არჩეულ იქნა ფრაქცია „ქართული ოცნების“ ახალი თავმჯდომარე. ორგანიზაციული საქმიანობის სფეროში საკრებულოს უფლებამოსილების განხორციელების მიზნით დამტკიცდა საკრებულოს სამუშაო გეგმა, ცვლილებები შევიდა კომისიების პერსონალურ შემადგენლობაში, ცვლილებები შევიდა აგრეთვე ქალაქ ფოთის მუნიციპალიტეტის მერიის, მერიის ადმინისტრაციული სამსახურის დებულებებში.

საფინანსო -საბიუჯეტო სფეროში საკრებულოს უფლებამოსილების განხორციელების მიზნით, საკრებულოს მიერ დამტკიცებული იქნა ქალაქ ფოთის მუნიციპალიტეტის 2020 წლის ბიუჯეტი და ქალაქ ფოთის მუნიციპალიტეტის 2020-2023 წლების პრიორიტეტების დოკუმენტი. საკრებულოს სხდომებზე მიღებულ იქნა დადგენილებები 2020 წლის დამტკიცებულ ბიუჯეტში ცვილებების შეტანის შესახებ. სისტემატიურად ხორციელდებოდა ბიუჯეტის შესრულების კონტროლი და ბიუჯეტის შესრულების შეფასება.

ზემოაღნიშნულიდან გამომდინარე, 2020 წლის აპრილში საკრებულოს სხდომაზე მოსმენილ იქნა ქალაქ ფოთის მუნიციპალიტეტის 2019 წლის ბიუჯეტის შემოსულობების შესრულება და ბიუჯეტიდან გამოყოფილი სახსრების ხარჯვის მდგომარეობა. ასევე მოსმენილ იქნა ქალაქ ფოთის მუნიციპალიტეტის 2020 წლის ბიუჯეტის პირველი კვარტლის, მეორე კვარტლის და 6 თვის შემოსულობებისა და ბიუჯეტდან გამოყოფილი სახსრების ხარჯვის მდგომარეობის შესახებ.

დამტკიცდა ქალაქ ფოთის მუნიციპალიტეტის საგანგებო ბიუჯეტი.

საქართველოს კანონმდებლობის შესაბამისად, საქართველოში ახალი კორონავირუსით გამოწვეული სოციალურ-ეკონომიკური მდგომარეობის გაუარესების გამო, დასახლებული ტერიტორიის დასუფთავების მოსაკრებელის გადასახადისგან გათავისუფლდა მთლიანად მოსახლეობა და ზოგიერთი ფიზიკური პირი.

განხილულ იქნა და თანხმობა მიეცა ქალაქ ფოთის მუნიციპალიტეტის მერს საქართველოს ურბანული ტრანსპორტის გაუმჯობესების პროგრამის ფარგლებში, ქალაქ ფოთის მუნიციპალიტეტისთვის შესყიდული ავტობუსების მიღების მიზნით, სსიპ საქართველოს მუნიციპალური განვითარების ფონდიდან 917, 508, ევროს ოდენობის სესხის აღებაზე, მათ შორის პროექტის გრანტის ნაწილი 165, 151 ევროს ოდენობის ქონებაზე, უსასყიდლო გრანტის სახით.

შეტანილ იქნა ცვლილებები ქალაქ ფოთის მუნიციპალიტეტის მიერ დაფუძნებული და მუნიციპალიტეტის ბიუჯეტის დაფინანსებაზე მყოფი არასამეწარმეო არაკომერციული იურიდიული პირების მოსამსახურეთა თანამდებობრივი სარგოების ზედა ზღვარის განსაზღვრის შესახებ საკრებულოს განკარგულებაში, რის შესაბამისადაც თანამშრომელთა სარგოები გაიზარდა 150 ლარით.

მუნიციპალიტეტის ქონების განკარგვისა და მართვის სფეროში საკრებულოს უფლებამოსილების განხორციელების მიზნით, განისაზღვრა ქალაქ ფოთის მუნიციპალიტეტის ტერიტორიაზე სახელმწიფო და მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასი. დამტკიცდა ქალაქ ფოთის მუნიციპალიტეტის კერძო სამართლის იურიდიული პირის მირითადი საშუალებების გასხვისებისა და სარგებლობის უფლებით გადაცემის, ქონების საწყისი საფასურის, ქონების სარგებლობის უფლებით გადაცემისას ქირის საფასურის და ქირის საწყისი საფასურის განსაზღვრის და ანგარიშსწორების წესი. სახელმწიფო საკუთრებაში უსასყიდლოდ გადაეცა, ქალაქ ფოთში დავით აღმაშენებლის ქუჩაზე მდებარე 219 .00 კვ.მ და 1230.00 კვ.მ არასასოფლო სამეურნეო მიწის ნაკვეთები, სადაც კორპორაცია ფოთის საზღვაო ნავსადგური გეგმავს 140.000 აშშ დოლარის ღირებულების პროექტის განხორციელებას, სადრენაჟო სისტემის, გზის საფარისა და განათების მოწყობას. ქალაქ ფოთის მუნიციპალიტეტის მერს მიეცა თანხმობა შეზღუდული პასუხისმგებლობის საზოგადოება „ფოთის სატრანსპორტო კომპანიის“ დაფუძნებაზე. ამასთანავე განხილულ იქნა ქალაქ ფოთის მერის მიერ წარმოდგენილი პროექტები და მიეცა თანხმობა ქალაქ ფოთის მერს, მუნიციპალიტეტის საკუთრებაში არსებული მოძრავი და უძრავი ქონების პირობით ან უპირობოდ, პირდაპირი განკარგვის წესით, სასყიდლით ან უსასყიდლოდ სარგებლობის უფლებით გადაცემის შესახებ.

სოციალურ სფეროში საკრებულოს უფლებამოსილების განხორციელების მიზნით, ქალაქ ფოთის მუნიციპალიტეტში მოქმედებს განათლების, კულტურის და სპორტის, ჯანმთელობისა და სოციალური უზრუნველყოფის პროგრამები, რომლებიც ასახულია ქალაქ ფოთის მუნიციპალიტეტის 2020 წლის ბიუჯეტის მირითად მაჩვენებლებში.

ქალაქის თვითმმართველობის სტრატეგიის შესაბამისად, პრიორიტეტულ მიმართულებებზე სახსრების ზრდამ შესაძლებელი გახადა ადგილობრივი ინფრასტრუქტურის განვითარება, რითაც თავისმხრივ, უზრუნველყოფილი იქნება

მუნიციპალიტეტში მცხოვრები მოსახლეობის სოციალური მდგომარეობის გაუმჯობესება, კულტურის და სპორტის სფეროს განვითარება, საზოგადოებრივი უსაფრთხოების უზრუნველყოფა, ჯანსაღი ცხოვრების წესის დანერგვა და სკოლამდელი განათლების ხელშეწყობა. ზემოთაღნიშნული სტრატეგიის შესაბამისად, 1938 წელს აღებულ კულტურული მემკვიდრეობის ძეგლს, ფოთის ჰიდრომელიორაციული ტექნიკუმის შენობას სამშენებლო-სარეაბილიტაციო სამუშაოები უტარდება. სამშენებლო პროცესი ცენტრალური ბიუჯეტით ფინანსდება, პროექტი რომელიც 150 ათას ლარს შეადგენს, ქალაქ ფოთის მუნიციპალიტეტის მიერ იქნა შესყიდული. სასწავლებლის ადგილას დაიგეგმა საზღვაო აკადემიის გახსნა, რომელიც 1000 სტუდენტზე იქნება გათვლილი და 250-მდე პროფესორ მასწავლებელს დაასაქმებს. წარმატებით ფუნქციონირებს სსიპ საზოგადოებრივი კოლეჯი „ფაზისი“, რომელიც 12 მოდულურ პროგრამას ახორციელებს. ის უახლესი მატერიალურ-ტექნიკური ბაზითაა აღჭურვილი და ადაპტირებულია სსმპ და შშმ პირებზე. ქალაქ ფოთში აღმაშენებლის ქუჩაზე კულტურული მემკვიდრეობის ძეგლის სრული რეაბლიტაცია დაიწყო, სადაც მხატვართა სახლი განთავსდება. რეაბილიტაცია უკეთდება აგრეთვე ოტია ჯაინის სახელობის სამხატვრო სკოლას.

შპს „აჭარა ტექსტილე“ მიმდინარე წელს პროფესიული მომზადება-გადამზადების სისტემაში ჩაერთო, პროგრამის განხორციელების უფლება მოიპოვა და სახელმწიფოს თანადაფინანსებით 229 მკერავ-ოპერატორს ამზადებს.

ვალერიან გუნიას სახელობის პროფესიულ სახელმწიფო თეატრში გარემონტდა დარბაზი, სამსახიობო და საგრიმიორო ოთახები, სარდაფი. შეკეთდება შენობის სახურავი და ფასადი.

9 აპრილის ხეივანზე, №5 სკოლამდელი სააღმზრდელო დაწესებულების ადგილას 120 აღსაზრდელზე გათვალისწინებული ბალი შენდება. პროექტის ღირებულება 800 ათასი ლარია. იგი ხორციელდება ლტოლვილთა დანიის საბჭოს, გერმანიის რეკონსტრუქციის ბანკის მხარდაჭერით.

საქარველოს მუნიციპალური განვითარების ფონდი ფოთში, ბარათაშვილის ქუჩაზე ახალი ევროპული სტანდარტების, 100 ბავშვზე გათვლილი საბავშვო ბაღის მშენებლობას დააფინანსებს. მიმდინარე სარემონტო სამუშაოები ჩატარდა ყველა სკოლამდელი აღზრდის დაწესებულებაში.

13 საჯარო სკოლაში განხორციელდა სახურავის, სველი წერტილების, ელექტროსამონტაჟო, გათბობის სისტემების, ეზოს კეთილმოწყობის და სხვა სამუშაოები. სამშობიარო სახლის ბაზაზე კომპანია „ბომონდდა“ მრავალპროფილური საავადმყოფო აამოქმედა, რომელიც ქალაქის მოსახლეობას სრულ ამბულატორიულ და სამეანოგინეკოლოგიურ სერვისს სთავაზობს. (ა) იპ სოციალური მომსახურების ცენტრი, ფოთში სოციალურად დაუცველი პირებისათვის უფასო სასადილოს მენეჯმენტს ახორციელებს. სასადილოში ჩატარდა კაპიტალური რემონტი, შეძენილ იქნა ახალი ინვენტარი და სამზარეულოს ტექნიკა. სასადილოში 300 ადამიანი იკვებება, 80-მდე ბენეფიციარს ბინაზე აწვდიან კერძებს. სასადილო ადგილობრივი ბიუჯეტით ფინანსდება.

შინმოვლის პროგრამით, სამედიცინო და სოციალური სერვისების საცხოვრებელ ადგილზე მიწოდება ხორციელდება. აღნიშნული მომსახურებით 32 ბენეფიციარი სარგებლობს. ახალი მრავალფუნქციური სპორტული კომპლექსი დიდი და მცირე საცურაო აუზებით, 100 მაყურებელზე გათვლილი ტრიბუნით, სპორტით დაინტერესებულ ადამიანებს საშუალებას მისცემს ივარჯიშონ და სპორტის მრავალ სახეობაში გამართონ ტურნირები, როგორც ეროვნულ ისე საერთაშორისო დონეზე. კომპლექსს ექნება სპორტული მოედანი. 160 მაყურებელზე გათვლილი ტრიბუნებით. მისი ღირებულება 14, 5 მლ. ლარია. ფოთის ცენტრალურ სტადიონზე შენდება სტადიონის სამხრეთ და ჩრდილოეთ ტრიბუნები. აქტიურად მიდინარეობს მეორე ეტაპის სამშენებლო

სამუშაოები. საქართველოს ფეხბურთის ფედერაციისა და უეფას დაფინანსებით, ფოთის საფეხბურთო სკოლის ტერიტორიაზე მოწყო 2 ხელოვნურსაფარიანი სტანდარტული ზომის მოედანი, რომლის ღირებულება 4 მლ. ლარს შეადგენს. სისტემატურად მიმდინარეობს მინი სპორტული მოედნების რეაბილიტაცია.

ქალაქ ფოთის მუნიციპალიტეტის თანადაფინანსებით, გაეროს განვითარების პროგრამის ფარგლებში, ფოთში, მარტოწყვალას ტბაზე სათევზაო ინფრასტრუქტურა მოეწყობა, რაც მნიშვნელოვანია, როგორც სპორტული თევზჭერის, ისე ტურისტული განვითარების კუთხით. სამშენებლო-სარეაბილიტაციო სამუშაოები მიმდინარეობს კუნძულის სანაპირო ზოლზე, 2000 მ. ზოლზე მოწყო შიდა კომუნიკაციები, დამონტაჟდა განათების სისტემა, მიმდინარეობს სპორტული და საბავშვო მოედნების მოწყობა, დაიგო საფეხმავლო და საავტომობილო გზები, შენდება სავარჯიშო ზონები, საჩრდილობლები. ცენტრალურ პარკში მასშტაბური სარეკონსტრუქციო სამუშაოები მიმდინარეობს, კეთდება დასასვენებელი ბაქნები და სათამაშო საბავშვო მოედნები, სასმელი წყლის შადრევნები, ეწყობა ადგილები სეზონური, მცირე დროებითი არქიტექტურული ნაგებობისათვის. აზის განვითარების ბანკის მხარდაჭერით, ფოთში, წყალარინების ქსელის მოწყობა და გამწმენდი ნაგებობების მშენებლობა მიმდინარეობს.

ქალაქ ფოთის მუნიციპალიტეტის საკრებულომ 2020 წლის 27 თებერვლის №4/4 დადგენილებით დაამტკიცა „ქალაქ ფოთის ტერიტორიაზე არსებული მალთაყვის უბნის გამოყენებისა და განაშენიანების რეგულირების წესებისა და განაშენიანების რეგულირების გეგმა“. გენერალური გეგმა მალთაყვის ტერიტორიაზე ითვალიწინებს სასტუმროების, სპორტული კომპლექსისა და დასასვენებელი სახლების მშენებლობისათვის ადგილების გამოყოფას, განსაზღვრავს მიწათსარებლობის ფორმას და ხელს უწყობს მალთაყვის ტერიტორიაზე ტურისტული ინფრასტრუქტურის მშენელობას. შენდება სრული ინფრასტრუქტურით აღჭურვილი ავტოპარკი. სამუშაოების ღირებულება 999 487 ლარს შეადგენს. პროგრამა ევროპის რეკონსტრუქციისა და განვითარების ბანკის ფინანსური მხარდაჭერით ხორციელდება. გაიწმინდა მდინარე კაპარჭას 3700 მ ზოლი, ეს არის პალიასტომის ტბის ჰიდროდინამიური რეჟიმის ადგენის პირველი ეტაპის სამუშაო, რომლის განხორციელების შემდეგ შესაძლებელი გახდება პალიასტომის ტბის პრობლემების გადაჭრა.

საქართველოს რეგიონული განვითარებისა და ინფრასტრუქტურის სამინისტროს საქართველოს საავტომბილო გზების დეპარტამენტი ახორციელებს რეკვავას, აკავის, წმ. გიორგის და ჭავჭავაძის ქუჩების კეთილმოწყობას, ინფრასტრუქტურისა და ასფალტის საფარის აღდგენის სამუშაოებს. ადგილობრივი ბიუჯეტის თანადაფინანსებით ხორციელდება თამარ მეფის, დემეტრე თავდადებულის და ბერდიანსკის ქუჩების რეაბილიტაცია.

ქალაქში კეთილმოეწყო მრავალსართულიანი სახლის ეზოები, ტრენაჟორები დაიდგა 13 ლოკაციაზე, საბავშვო მოედანი მოწყო 10 ლოკაციაზე.

დამტკიცდა გენდერული თანასწორობის 2020 წლის სამოქმედო გეგმა.

სამწლიანი პროექტი „საზოგადოების ჩართულობაზე ორიენტირებული თვითმმართველობის განხორციელება ქალაქ ფოთისა და აბაშის მუნიციპალიტეტში“ ევროკავშირმა გრანტის სახით 345 ათასი ევროთი დააფინანსა. პროექტის მიზანია ადგილობრივი თვითმმართველობის მუშაობის გამჭვირვალობისა და საჯაროობის უზრუნველყოფა.

ევროკავშირის გრანტის ფარგლებში, პირადპირი ჩვენებით გადაიცემა საკრებულოს სხდომები. ოფიციალურ ვებგვერდზე გააქტიურდა ელექტრონული პეტიციების მიღების ფუნქცია. მოსახლეობას საშუალება მიეცა ადგილობრივ ხელისუფლებას პეტიციის ფორმითაც მიმართონ.

საკრებულოში დანერგილია ელექტრონული საქმისწარმოების სისტემა.

საკრებულოს კომისიათა ეფექტურ საქიანობაზეა დამოკიდებული საკრებულოს მუშაობა. საკრებულოში შექმნილია 5 კომისია. საკრებულოს კომისიათა უფლებამოსილება, სტრუქტურა და მუშაობის წესი განსაზღვრულია საკრებულოს რეგლამენტით და კომისიის დებულებით. საკრებულოს კომისიები წინასწარ განიხილავენ საკრებულოში შემოტანილ, მის სფეროს მიკუთვნებულ საკრებულოს გადაწყვეტილებათა პროექტებს, ამზადებენ დასკვნებს, ორგანიზებას უწევენ მათ განხილვას, ისმენენ საკრებულოსადმი ანგარიშვალდებულ ორგანოთა და თანამდებობის პირთა ანგარიშებს. აკონტროლებენ საკრებულოს გადაწყვეტილებათა შესრულებას. მერიის შესაბამისი მიმართულების სტრუქტურული ერთეულების, აგრეთვე მუნიციპალიტეტის მიერ დაფუძნებული იურიდიული პირების საქმიანობას, ისმენენ მათ ანგარიშებს და საკრებულოს წარუდგენენ შესაბამის დასკვნებსა და შეფასებებს,

ზემოთ აღნიშნულიდან გამომდინარე, ქალაქ ფოთის მუნიციპალიტეტის საკრებულოს საქმიანობის მთავარი საფუძველი კვლავაც იქნება საქართველოს ორგანული კანონი „ადგილობრივი თვითმმართველობის კოდექსი, „ადგილობრივი თვითმმართველობის შესახებ“, ევროპული ქარტია, საქართველოს საკანონმდებლო და კანონქვემდებარე ნორმატიული აქტები და საკრებულოს რეგლამენტი.

შედეგი, ფაქტი:

ქალაქ ფოთის მუნიციპალიტეტის საკრებულოს დადგენილებით დამტკიცებული, ქალაქ ფოთის მუნიციპალიტეტის ბიუჯეტში გათვალისწინებულ იქნა: ინფრასტრუქტურის მშენებლობის, რეაბილიტაციის და ექსპლუატაციის, საგზაო ინფრასტრუქტურის მშენებლობის, რეაბილიტაციის, კომუნალური ინფრასტრუქტურის მშენებლობა-რეაბილიტაციის, გარე განათების, უმეთვალყურეოდ დარჩენილი ცხოველების იზოლაციის, სანიაღვრე არხების მშენებლობა რეაბილიტაციის და ექსპლუატაციის, კეთილმოწყობის სამუშაოების, ქალაქის გამწვანების, კულტურის, ახალგაზრდული და სპორტული ღონისძიებების, მოსახლეობის ჯანმრთელობის დაცვის, სოციალური უზრუნველყოფისა და სხვა დაფინანსების თანხები.

განხორცილებული საქმიანობების შედეგად მიღებული შედეგი, მაგ.: ანგარიშის წარმდგენის მიერ ინიცირებული რამდენი პროექტი იქნა მიღებული საკრებულოს მიერ, რა შესრულდა ამომრჩევლის წინაშე აღებული ვალდებულებებიდან.

შემდეგი საანგარიშო პერიოდის ძირითადი პრიორიტეტები:

სოციალური და ინფრასტრუქტურული პროექტების განხორციელება.

ქალაქ ფოთის მუნიციპალიტეტის
საკრებულოს თავმჯდომარე

ბექა ვაჭარაძე